

# Offzettal da scout

1 / 2022  
schner, 7. annada

## Bainvgnüts...

Liza Anna Andersag, Giada Aversa, Lucas Barbosa Couto, Leoni Bischoff, Nelio Bischoff, Nuri Blanke, Silvio Andri Burkhard, Lara Rafaela Carvalho de Moura, Simao Carlos Carvalho de Moura, Elias Dietrich, Ruben dos Santos Carvalho, Elia Julian Egger, Andri Enz, Sophia Ferreira Reis, Luca Filli, Linus Florinett, Luana Freitas Cruz, Carlotta Josephina Fretz, Riccardo Griep, Irina Kohler,



Noemi Seraina Koller, Severin Laurent, Francesco Lombardo, Daniel Nemec, Lia Valentina Neuhäusler, Eunice Nogler, Valeria Pantano, Luka Paradela Dos Reis, Emily Parli, Ines Pereira Rodrigues, Marco Ribeiro Moreira, Luana Schlatter, Natalia Schudel, Lisa-Julie Schulze, Emily Sophia Scusa, Iris Simões Faria, Leon Steffelbauer, Livio Andri Taisch, Eleni Taverna, Cristiano Vieira Silva, Mia Vital, Amelja Weber, Jolie Zogg





## Ils uffants da la 5avla e 6avla classa preschaintan la LECZIUN D'INTERESS

La lecziun d'interess es quia per imprender roba nouva ed interessanta. I's po esser fach creativ illa lecziun d'interess.

Avant 4 ons ha créa nossa scoula d'Ardez/Guarda üna lecziun d'interess. I's po lavorar in gruppas o sulet. Nus pudain dovrar l'ufficina per far roba da lain, quai fan blers gugent. Scha nus pudessan giavüschar alch, fesna duos lecziuns d'interess indavorouda.

Mincha venderdi a bunura davo la posa vaina la lecziun d'interess. Quella faina per cha nus possan imprender alch nouv chi'ns interessa. In bod tuot las stanzas pudaina far differenta roba.

La lecziun d'interess es üna lecziun fach libra. I's po far da tuotta sorts robas. Da tecnologia fin progets da lain. La lecziun d'interess es fach flotta e nun es fatta per passatemp, dimpersè per imprender sur dals interess! Tuot ils uffants han fach gust da la lecziun d'interess e nus sperain chi resta inavant uschè.

### EXAMPELS DA PROGETS

- ✍ far e tagliar films
- ✍ boxas da musica
- ✍ maschina da tschics
- ✍ giovarets per bes-chas chasanas
- ✍ imprender linguas estras

- ✍ programmar cun Lego Spike o Scratch
- ✍ far comics e disegnar
- ✍ fabrichar e crear roba in ufficina
- ✍ chantar e far musica

- ✍ construir our d'un bob d'üna persuna ün bob da duos persunas
- ✍ teaters cun rapresentaziuns
- ✍ ed amo bler plü...

## NOVISCO

### Ün di scoulina a god

Il sulai charezza fingià nossas massellas - cur chi riva il taxi cun aint amo nossas ultimas scolarinas. Cun buschas e tschintas e trats aint bain chantaina nossa chanzun da cumanzamaint. Il schef o la scheffa dal rinch decida chi chi tocca man a chi, per chaminar fin pro la muntanella. La muntanella chi's rechatta pro la s-chabellera s'allegra mincha gövgia e venderdi da nossas charezzadas da bun di, e gioda da dudir nossas vuschs cun chantar la chanzun dal god.



Davo l'attività da scoulina, ingio cha'l squilat e la furmia sun ils stars vain fatta la marendà. Üna delizia a verer ed a tadlar als uffants co chi quintan ed as laschan gustar lur marendà. Quai tils plascha. I passa il temp giovond e fabrichond. A las 11 vain fat fö, quai cha a Bogdana plascha zuond bain. Pletschas da carottas e da cucumers van in quella sadellina da compost. Adüna duos dals uffants pon güdar a preparar il giantar. Il giantar nu plascha a tuots adüna tant bain, causa chi dà quai chi dà. Davo lavà giò e tadlà ün'istorgia, disegnà e zambrià es fini nos di a las 14.30 giò'n plazza da scoula cun üna chanzun da cumgià. Ciao, ciao, ciao a scoulina dschaina ciao. Il taxi piglia a las 3 scolarinas da Scuol ed uschè va minchün cuntaint e stanguel a chasa.

Susanna ed Aita



Tantüna rivats sün nos bel lö da scoulina. Leandro es inchantà da sia chasina, ch'el ed Ursin han fabrichà, e mincha jada chattan els alch nouv per cumplettar. Intant cha'ls mats sun fatschendats cun laina, guottas e martels es Lou tuot in üna jada üna raïna chi vain ninada cun sias duos princessas Nadine e Lucy aint ill'amaca. E quella raïna ha natürlamaing eir duos uffants, Emilia e Bogdana. I dà ün'istorgia da fantasia cun chavals... s-chazis... marus...etc.



Scanna quist code  
scha tü vuost  
verer amo daplü.



## Cussagl da scoula

Daspö la fusiun da noss cumüns daja eir üna stretta collavuraziun tanter las scoulas. Las persunas d'instrucziun profitan da gruppas da lavur professiunalas e d'oters barats, ils mainascoulas fuorman ün'operativa chi schoglia fich blers problems cumünaivelmaing e nus dal cussagl da scoula nun eschan plü responsabels be per la scoula da nos cumün dimpersè per tuottas 5. Quist es üna bella lezcha chi nun es però adüna be simpla, perquai chi sun da schoglier uschè eir blers differents problems in 5 differentas scoulas. Üna jada esa d'elegier persunas d'instrucziun, ün'otra jada esa da spartir clas-s masssa grondas, tschella jada esa massa pacs scolars per manar üna scoulinia regulara o ün s-chalin ot o lura esa darcheu da decider co proseguir culs problems a regard il banadi covid-19.


Scha'l temp basta, schi's poja finalmaing dar ün sguard inavant e provar da planisar la scoula a lunga vista. Quai as fessa bler plü jent co schoglier problems a cuorta vista e listess sun tuot quist ed amo bler daplü nossas lezchas. Bellas lezchas pretensiunas, chi's riva be da schoglier cun üna buna comunicaziun e cun fiduzcha vicendaivla. Sco cha vus vais sgüra let in gazetta es ün da quists progets per schoglier ün problem la restructuraziun dal s-chalin ot a Sent. Cun ün urari plü compact, cun maisa da mezdi, transports directs ed agüd da lezchas as voula render attractiv il s-chalin ot a Sent e quai per tuot ils uffants da nos cumün chi s'interessan per uschè ün model. Ün oter proget es la scoulinia cun accent god a Ftan, sco cha vus pudais leger sulla pagina dal Novisco in quista gazetta. Cun üna sporta

speciala as renda attractiv la plü pitschna scoulinia in cumün e tilla as driva eir per oters uffants interessats. No vain gust da quistas sportas ed eschan persvas, cha schogliond uschè ils problems daja blers chi guadognan e be pacs chi perdan. Schabain cha no eschan conscientias, cha ingio chi s'ha da chefar cun uschè blera glieud nun esa pussibel da far dret a tuots. No sperain cha in avegnir as calma ün zich la situaziun cullas scoulas e cha no posson sviluppar inavant nossas scoulas per l'avegnir. Implü laina render attent, cha quist on daja nouvas elecziuns e cha sch'inchün ha interess da s'ingaschar per noss uffants e las scoulas da nos cumün, schi as dess el annunzchar.

Vos cussagl da scoula

## Ingiavinera – il temp d'inviern es il temp da nossas üsanzas:

1. La sonda avant il prüm lündeschdi da favrer vain celebrada a Ftan quist'üsanza. Avant la fusiun gnivan dürant quist di saramantats ils ufficients politics da cumün. I nun es però be ün ritual da la politica locala, dimpersè eir üna festa per la giuventüna. Pro quist'üsanza tocca pro eir ün bös-ch chi vain schmers da la giuventüna.
2. Quist'üsanza gniva festagiada a Guarda al principi da marz e d'eira ün'üsanza per la politica e pels homens. In fuond gnivan quel di surdats ils uffizis politics als nouvelets e quels gnivan saramantats. Pro quist'üsanza tocca pro eir ün pop da naiv.
3. L'üsanza la plü cuntschaina chi vain festagiada in tuot las fraciuns ed in minchüna ün pa oter.
4. Üsanza tipica da Scuol dal principi da favrer. Per quist'üsanza ha Men Rauch scrit bel ed aposte üna chanzun.
5. Quist'üsanza vaiva lō in plüs cumüns. Hozindi es quist'üsanza plü o main ida in invlidanza. Ella ha da chefar cun involar e zoppar bes-chas previssas da gnir mazzadas e quai d'eira pel solit üna roba tanter la giuventüna ed ils maridats. Pro quist'üsanza toccan pro eir vistas s-charbunadas.
6. Ün'otra üsanza tipica da Scuol chi gniva festagiada adüna ils 26 da december, uossa ha'lō al principi da schnier.
7. Quist'üsanza vain festagiada ad Ardez e vain eir nomnada 'il bal da la schocka cotschna'.



### Scoula Scoul

Organisaziun  
Manader da scoula  
Secretaria  
Pedels

Telefon secretariat  
Telefon stanza da magisters  
Telefon pedels  
E-mail

#### Uras da büro

Mario Rauch  
Gretta Ursina Garcia-Nogler  
Elmar Schöpf, Francisca Teixeira  
Paulo Alves Do Vale, davent dals 1. favrer 2022  
081 861 27 62  
081 861 27 63  
081 861 27 60  
mario.rauch@miascoula.ch  
gretta.garcia@miascoula.ch  
secretariat@scoula-scoul.ch  
lündeschdi • 14:00-15:00  
gövgia • 14:00-15:00

### Scoula Sent

Organisaziun  
Manader da scoula  
Pedel  
Telefon  
Telefon manader  
Telefon pedel  
E-mail

#### Uras da büro

Gian Caviezel  
Silvio Vital  
081 864 05 52  
081 864 05 52  
081 864 05 52  
gian.caviezel@miascoula.ch  
mardi • 15:15 - 16:15  
gövgia • 15:15 - 16:15

### Scoula Ftan

Organisaziun  
Manadra da scoula  
Pedella  
Telefon stanza da magisters  
Telefon pedella  
E-mail

#### Uras da büro

Martina Näff-Benderer  
Raja Schulze  
081 864 09 29  
081 860 38 24  
martina.naeff@miascoula.ch  
gövgia • 14:00- 15:00

### Scoula Tarasp

Organisaziun  
Manadra da scoula  
Pedella  
Telefon  
Telefon pedella  
E-mail

#### Uras da büro

Aglaja Gallmann  
Seraina Ammann  
081 864 01 29  
078 764 61 79  
aglaja.gallmann@miascoula.ch  
gövgia • 14:15 - 15:00

### Scoula Ardez

Organisaziun  
Manadra da scoula  
Pedella  
Telefon stanza da magisters  
Telefon pedella  
E-mail

#### Uras da büro

Duri Janett  
Marie Luise Taisch  
081 862 23 10  
079 469 12 03  
duri.janett@miascoula.ch  
mardi • 13:30-15:00



## Uras d'avertüra da nossas bibliotecas:

### Ardez

lündeschdi  
gövgia  
sonda

15:00 fin 16:30  
19:00 fin 20:00  
16:30 fin 18:00

### Ftan

mardi  
gövgia  
sonda

16:00 fin 17:30  
19:00 fin 20:00  
16:00 fin 17:30

## Plan da scoula 2022

### Scoula

06.01.2022 - 04.03.2022  
14.03.2022 - 06.05.2022  
23.05.2022 - 01.07.2022  
15.08.2022 - 07.10.2022  
24.10.2022 - 23.12.2022

### Vacanzas

\*05.03.2022 - 13.03.2022  
07.05.2022 - 22.05.2022  
02.07.2022 - 14.08.2022  
08.10.2022 - 23.10.2022  
24.12.2022 - 08.01.2023

\* Vacanzas da Chalandmarz han lō a Ftan eir dals 5 - 13 marz 2022

## Üsanzas

### Ftan

5 favrer 2022  
25 favrer 2022  
26 favrer 2022  
23 dec. 2022

### Scoul

7 schnier 2022  
5 favrer 2022  
1. marz 2022  
23 dec. 2022

### Sent

1. marz 2022  
Nadal da scoula

### Tarasp

1. marz 2022  
22 dec. 2022

### Ardez

1. marz 2022  
22 dec. 2022

### Guarda

28 favrer 2022  
1. marz 2022  
22 dec. 2022

## Dis da festa

6 schnier 2022  
15 - 18 avrigl 2022  
26 - 27 mai 2022  
6 gün 2022  
1. nov. 2022

Festa dals 3 rais (be la scoula da Tarasp)

Pasqua

Ascensiun + Punt d'Ascensiun

Tschinquaisma

Festa da tuot ils Sonchs (be la scoula da Tarasp)

**Quist chalender rimpiazza tuot ils chalenders chi sun gnüts publichats plü bod!**





„L'atmosfera aint il god m'ha plaschü fich bain. I d'eira fich quiet, adonta cha tuot il s-chalin ot d'eira preschaint.“

Ideas nun han mancà da prüm innan e las scolaras ed ils scolars d'eiran svelt be fö e flomma per metter in pè ün'occurrenza grondiosa. A las scolaras ed als scolars staiva a cour da pudair festagiar il Nadal da scoula insemel cun lur conscolars illa natüra, fond gös, mangiond schoppa da giuotta e pastinas e bavond ün tè chod.

L'evenimaint es gnü realisà sü Plan Grond. Chandailas finlandaises, fuschellas e duos föclers han pisserà per ün'atmosfera romantica. In gruppas han ils scolars absolt posts cun ingiavineras, stafettas e gös. E natürlamaing s'hana laschà gustar la marendia delizchusa preparada dal seguond s-chalin ot.

Davo üna pruna risadas e star da compagnia s'ha il tröp da giuvenils miss in viadi vers cumün.

Per la seguonda part dal Nadal da scoula d'eira previs ün concertin pels genituors. L'arrandschamaint es gnü imbelli cun chant, musica e cun prelecziuns da poesias e texts scrits svessa.

La saira da Nadal es reuschida fich bain. Scolaras, scolars, magisters e genituors han gnü plaschair da pudair passantar ün pér bellas uras da compagnia. Ma la sfida per las scolaras ed ils scolars dal seguond s-chalin ot es stata gronda. Discussiuns, differents maniamaints e tanteraint eir dischillusuns nun han pudü gnir evitats. Ma a la fin finala pon ils scolars esser superbis da lur laver prestada e spranza tour cun sai per lur avegnir üna pruna experienzas fattas.

«Eu nu vaiva fat quint cun uschè bleras robas chi's sto pensar landervia per ch'ün tal evenimaint funcziuna. Minchün sto güdar e surtour responsabilità per chi funcziuna.»

## Nadal da scoula - quist on ün pa oter

Restructurar e fuormar il Nadal da scoula, surtour la responsabilità ed arrandschar ün evenimaint tuottafat special per scolaras e scolars, magistras e magistras dal s-chalin ot. Quai d'eira l'incumenza cha las scolaras ed ils scolars dal seguond s-chalin ot han survgni davo las vacanzas d'utuon. Üna lezcha pretensiua e vasta chi ha pretais l'ingaschamaint ed agüd da minchün singul.



„Nus vain passantà üna bella saira in compagnia e vain ris üna pruna!“



„Dürant quist proget n'haja imrais chi'd es fich pretensiüs dad organisar ün evenimaint cun uschè blers scolars e cha quai funcziuna be schi's lavura insemel sco team.“

### IL CASTOR

Dürant 1 mais vaina trattà il tema castor in scoulin. No vain disegnà, zambrià, tadtà istorgias, fabrichà e fat amo bler oter plü. A la fin vaina pudü giodair ün di d'evenimaint. Il guardgiasulvaschina Curdin Florineth ans ha dat ün bella invista davart quista bes-cha fich interessanta.

Ils castors nu's laschan verer vi pel di.



Quels ruslignan vi dal bös-ch.

I fabrichan üna serra e lur aigna chasa.



Il castor sa nodar bain eir cur chi'd es s-chür.



Schi vezzan alch privel fana "platsch" culla cua süll'aua.



Davant hana griflas e davo hana pattas cun pels da nodar.

La cua es sco üna paluotta.

Id han daints gelguischems.



Ils castors lavuran dürant la not.



I noudan l'inviern suot il glatsch a magliar.

Els nu maglian charn.

## TEMA DA L'ON

Cun quai cha in nossa scoula instruischan no magistras fingià daspö blers ons, ans esa important d'avair adüna darcheu üna pa ideas nouvas e frais-chas per variar l'instrucziun e per spordscher als uffants minch'on ün on da scoula special. Uschè definain nus magistras minch'on ün nou TEMA DA L'ON. Quel tema es il fil cotschen per noss'instrucziun, per dis da proget, spassegiadas e viadis da scoula.

Quia pudais leger las regordanzas da las scolaras e dals scolars da la 4. - 6avla classa da differents temas da l'on.

### Crescher

Cur ch'eu d'eira illa 3. classa vaivna il tema da l'on „crescher“. Nus fain minch'on ün viadi d'utuon. Quel on d'eirna pro'l Lai Verd e pro'l Lai Nair sur Danuder, quai m'ha plaschü il meglder.

**Ladina lellamo, 5 avla classa**

### Tema terra

Meis tema predilet d'eira terra. Il plü cool d'eira, cha no vain impli ün aquarium cun üna vetta da terra ed üna da sablun. Nossa lezcha d'eira da chattar ün verme lung. Il verme il plü grond vaiva Lukas.

A mai ha plaschü l'on dal tema terra. ❤

**Angela Netzer, 5 avla classa** 🐞

### Viagiar

Meis tema da l'on predilet d'eira viagiar. Eu d'eir'in 1. classa e n'ha fat meis prüm viadi da scoula. Nus eschan its a Baden, là vaina durmi üna not. Là han ils mats fat temma a mai.... Ma eu n'ha durmi bain. Il mangiar d'eira bun!

Quel di d'eira meis di predilet. ❤

**DIEGO PARADELA DOS REIS, 4. CLASSA**

### FÖ

Per mai d'eira il plü cool il prüm di da scoula. No vain tschüf chandailinas e tillas vain impizzadas. Ma i d'eira eir cool da far las bes-chas da fö, no tillas vain fattas cun filfier. No vain ars nossas bes-chas aint il fö. No vain fat sculpturas da lain e da butiglias da pet. Ils pitschens han fat dragunins cun stoffa e butiglias. ❤

**leonor santos neiva, 4. classa**



### SVOLAR

Quist on da scoula d'eira fich flot, no vain nempe pudü durmir aint il zoo da Turich. Ils gronds da la 4.- 6 avla han fat ün referat dad üna bes-cha chi viva aint il zoo e chi sa svolar. No vain dafatta pudü far üna tura da not tras il zoo ed ir in lös ch'ingün nu po ir uschigliö. Durmi vaina in jurtas. Pervi dal viadi da scoula d'eira l'on da scoula 2016/17 ün dals plü cools ch'eu vaiva fin uossa. malin mosca; 6 avla classa

### God

No eschan its illa Val Zuort a guardar co chi'd es gnü schmers ün bös-ch. Cun schmerdscher ün bös-ch as stoja far bain attenziun ed esser precaut. Quel bös-ch es lura gnü manà illa resgia da Tarasp, là hana lura fat landroura assas per far üna paraid per giovar a ballapè.

**Gianmarco Stecher, 6 avla classa**